

PRAVILNIK
O NAČINU I MJESTU PROVEDBE ZAŠTITNE MJERE
OBAVEZNOG PSIHOSOCIJALNOG TRETMANA
UČINILACA NASILJA U PORODICI

I. OSNOVNE ODREDBE

Član 1.

Ovim se pravilnikom propisuje način i mjesto provedbe zaštitne mjere obaveznog psihosocijalnog tretmana učinilaca nasilja u porodici (u daljnjem tekstu: zaštitna mjera).

Član 2.

- (1) Svrha provedbe zaštitne mjere iz člana 1. ovog pravilnika je sprečavanje daljnjeg nasilničkog ponašanja postizanjem pozitivnih promjena u ponašanju učinioca nasilja u porodici.
- (2) Cilj provedbe zaštitne mjere je potaknuti učinioca nasilja u porodici da postane svjestan svog nasilničkog ponašanja, prepozna svoju odgovornost, te usvoji obrasce nenasilnog ponašanja.

II. MJESTO PROVEDBE ZAŠTITNE MJERE

Član 3.

- (1) Zaštitna mjera provodi se u zdravstvenim ustanovama primarne zdravstvene zaštite – centrima za mentalno zdravlje u zajednici ili specijalističko-konsultativnim psihijatrijskim službama pri zdravstvenim ustanovama u saradnji sa organima starateljstva.
- (2) Ukoliko zdravstveno stanje učinioca nasilja u porodici iziskuje hospitalizaciju, zaštitna mjera se provodi u bolnici osnovanoj na nivou kantona, gdje učinilac nasilja ima prebivalište, odnosno boravište.
- (3) Ukoliko ne postoji zdravstvena ustanova iz st. (1) i (2) ovog člana na nivou kantona gdje učinilac nasilja u porodici ima prebivalište, odnosno boravište, zaštitna mjera se provodi u zdravstvenim ustanovama kantona koji je najbliži prebivalištu, odnosno boravištu učinioca nasilja u porodici.
- (4) Troškovi izvršenja zaštitne mjere obaveznog psihosocijalnog tretmana padaju na teret suda koji je zaštitnu mjeru izrekao.

III. NAČIN PROVEDBE ZAŠTITNE MJERE

Član 4.

- (1) Učinilac nasilja, kojem sud izrekne zaštitnu mjeru, obavezan je učestvovati u provedbi zaštitne mjere.
- (2) O provedbi zaštitne mjere žrtva nasilja će biti upoznata od strane ustanove koja provodi zaštitnu mjeru.
- (3) Tokom provedbe zaštitne mjere i žrtva nasilja u porodici, ukoliko na to pristane, može biti uključena u psihosocijalni tretman.

Član 5.

Zaštitna mjera psihosocijalnog tretmana provodi se multidisciplinarno, uz učešće medicinskih stručnjaka, psihologa i socijalnih radnika, kao i drugih stručnjaka po potrebi.

Član 6.

- (1) Zaštitna mjera se može provoditi individualno i/ili grupno.
- (2) Zdravstvena ustanova i organ starateljstva sa učiniocem nasilja u porodici, prije započinjanja psihosocijalnog tretmana, izrađuju pisani plan provođenja zaštitne mjere.
- (3) Plan provođenja zaštitne mjere sadrži podatke o učiniocu nasilja, način na koji se zaštitna mjera provodi (individualno i/ili grupno), obaveze učinioca nasilja u provođenju zaštitne mjere, datum početka psihosocijalnog tretmana, način praćenja ponašanja učinioca nasilja tokom trajanja tretmana, način izvještavanja organa starateljstva o izvršenju plana provođenja zaštitne mjere, orijentaciona dužina trajanja psihosocijalnog tretmana procijenjena od

strane multidisciplinarnog tima (psihijatar, psiholog, socijalni radnik), kao i plan postupanja u kriznim situacijama, a koji se odnosi na žrtvu nasilja.

Član 7.

- (1) S pisanim planom postupanja iz člana 6. stav 2. ovog pravilnika mora biti upoznata odrasla osoba – žrtva nasilja u porodici, a ukoliko je u pitanju dijete-žrtva nasilja, roditelj koji nije učinilac nasilja, odnosno staratelj maloljetnog djeteta.
- (2) Žrtva nasilja u porodici dobit će dio pisanog plana postupanja koji se odnosi na plan postupanja u kriznim situacijama za zaštitu žrtve nasilja u porodici, a sadrži informacije kao što su mjesta na koja se može skloniti i telefonske brojeve putem kojih može zatražiti pomoć, te obaveze i odgovornosti žrtve nasilja koje se odnose na uspjeh provođenja zaštitne mjere.
- (3) Dio pisanog plana za zaštitu žrtve iz stava (2) ovog člana ne smije biti dostupan učiniocu nasilja u porodici nad kojim se provodi zaštitna mjera.

Član 8.

- (1) Tokom provođenja zaštitne mjere žrtva nasilja u porodici može biti uključena u psihosocijalni tretman. Za uključivanje žrtve nasilja u psihosocijalni tretman neophodan je njegov pristanak, kao i sigurnost žrtve nasilja i njene porodice.
- (2) Ako žrtva nasilja odluči da učestvuje u psihosocijalnom tretmanu ista se uključuje u izradu pisanog plana provođenja zaštitne mjere.

Član 9.

Ako učinilac nasilja u porodici ne dolazi redovno na psihosocijalni tretman u zdravstvenu ustanovu ili kad zdravstvena ustanova, koja provodi psihosocijalni tretman, procijeni da, uprkos redovnom dolaženju, tretman neće dovesti do promjene u ponašanju učinioca nasilja, o tome će odmah obavijestiti nadležni organ starateljstva koji će o tome bez odlaganja obavijestiti sud koji je izrekao ovu mjeru, a radi izricanja druge zaštitne mjere ili kazne zbog nepostupanja po izrečenoj zaštitnoj mjeri u skladu sa Zakonom o zaštiti od nasilja u porodici ("Službene novine Federacije BiH", broj 20/13).

IV. EVIDENCIJA I IZVJEŠTAVANJE

Član 10.

- (1) Organ starateljstva dužan je voditi evidenciju o izrečenim zaštitnim mjerama, osobama koje su štićene zaštitnom mjerom i o nasilnim osobama kojima su izrečene zaštitne mjere, početak i završetak tretmana za svakog učinioca nasilja, pratiti izvršenje izrečene mjere, predložiti sudu prekid, produženje ili zamjenu mjere drugom mjerom, a na osnovu mišljenja zdravstvene ustanove koja provodi zaštitnu mjeru.
- (2) Organ starateljstva dužan je dostaviti sudu izvještaj o izvršenju zaštitne mjere najkasnije u roku od šest mjeseci, a na zahtjev suda, prema potrebi, i ranije.
- (3) Sadržaj i oblik evidencije iz stava (1) ovog člana utvrđen je Obrascem 1-OS koji se nalazi u prilogu ovog pravilnika i čini njegov sastavni dio (Prilog broj 1.).

Član 11.

- (1) Zdravstvena ustanova koja provodi zaštitnu mjeru psihosocijalnog tretmana vodi evidenciju o zaštitnoj mjeri, odnosno o toku i rezultatima provedenog tretmana, kao i o osobama koje su joj upućene radi provedbe zaštitne mjere.
- (2) Sadržaj i oblik evidencije iz stava (1) ovog člana utvrđen je Obrascem 2-ZU koji se nalazi u prilogu ovog pravilnika i čini njegov sastavni dio (Prilog broj 2.).

- (3) Zdravstvena ustanova popunjeni Obrazac iz stava (2) ovog člana dostavlja organu starateljstva, nadležnom po mjestu prebivališta, odnosno boravišta učinioca nasilja u porodici, odmah po izvršenju mjere ili prekidu iste, a na zahtjev organa starateljstva, prema potrebi, i ranije.
- (4) Zdravstvena ustanova može da izvještava organ starateljstva, kao i nadležni sud o provedbi mjere i tokom izvršenja mjere ukoliko ocijeni da je to neophodno, a radi osiguranja principa hitnosti i sl.

Član 12.

Na pitanja prikupljanja, obrade i davanja ličnih podataka sadržanih u evidencijama koje se vode u skladu sa čl. 10. i 11. ovog pravilnika primjenjuju se odredbe Zakona o zaštiti ličnih podataka ("Službeni glasnik BiH", broj 49/06 i 76/11) i Zakona o ravnopravnosti spolova u Bosni i Hercegovini ("Službeni glasnik BiH", br. 16/03 i 102/09).

V. PRIJELAZNE I ZAVRŠNE ODREDBE

Član 13.

Zaštitna mjera izrečena učiniocu nasilja, kao i zaštitna mjera čije je izvršenje započelo prije dana stupanja na snagu ovog pravilnika, okončat će se u skladu sa propisima koji su važili do dana stupanja na snagu ovog pravilnika.

Član 14.

Danom stupanja na snagu ovog pravilnika prestaje da važi Pravilnik o načinu i mjestu provedbe zaštitne mjere obaveznog psihosocijalnog tretmana učinilaca nasilja u porodici ("Službene novine Federacije BiH", broj 60/06).

Član 15.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 05-02/3-1145/17
16. augusta 2017. godine
Sarajevo

Ministar
Vesko Drljača, s. r.

Prilog 1.		OBRAZAC 1-OS			
I – EVIDENCIJA O IZREČENIM ZAŠTITNIM MJERAMA OBAVEZNOG PSIHOSOCIJALNOG TRETMANA I IZVRŠENJU MJERE					
Naziv organa starateljstva				Broj organa starateljstva i datum prijema rješenja suda:	
Naziv i sjedište suda koji je izrekao mjeru:				Broj i datum rješenja:	
Datum kada je izrečena zaštitna mjera postala pravosnažna:					
Način provođenja zaštitne mjere		grupno*		individualno*	
				Mjesto provođenja zaštitne mjere	
Period trajanja izrečene zaštitne mjere obavezan psihosocijalni tretman:					
Plan provedbe zaštitne mjere	DA*		NE*		
Plan postupanja u kriznim situacijama za zaštitu žrtve nasilja	DA*		NE*		
Mjera izrečena prvi put	DA*		NE*		
Ranija mjera (naziv)					
Predložen prekid mjere	DA*		NE*		
Predloženo produženje izrečene mjere	DA*		NE*		
Trajanje produženja mjere					
Predložena zamjena mjere drugom mjerom	DA*		NE*		
Nova mjera, broj i datum novog rješenja					
Kršenje mjere (datum i način)					
Prekid mjere (datum)					
PODACI O TRETMANU					
Izveštaj zdravstvene ustanove o toku provedbe psihosocijalnog tretmana					
Naziv i sjedište zdravstvene ustanove u kojoj se tretman provodi					
Datum početka tretmana:					
Datum završetka tretmana:					
Tretman je prekinut, datum, razlog:					
Tretman je doveo do pozitivnih promjena u ponašanju učinioca		DA*		NE*	

PODACI O NASILNOJ OSOBI KOJOJ JE IZREČENA ZAŠTITNA MJERA													
Osoba kojoj je izrečena zaštitna mjera													
Ime				Prezime				Rođeno prezime					
Nadimak				Starost				Spol	m		ž		
Jedinstveni matični broj građana (JMBG)													
Prezime i ime oca i majke, djevojačko prezime majke													
Datum, mjesto, općina i država rođenja													
Državljanstvo													
Boravište	Ulica				Broj		Grad			Država			
Prebivalište	Ulica				Broj		Grad			Država			
Socio-ekonomski status osobe kojoj je izrečena zaštitna mjera													
Bračni status		oženjen/udata		neoženjen/neudata		razveden/a		udovac/ica		vanbračna zajednica			
Radni status		zaposlen/a		nezaposlen/nezaposlena		penzioner/ka		Zanimanje					
Vrsta prihoda		korisnik socijalne pomoći		živi od svog rada		drugi izvori prihoda							
Obrazovanje		dr sci		mr sci		II ciklus Bolonja		I ciklus Bolonja		VSS		VŠS	
		SSS		OŠ		NSS		student		učenik		bez škole	
Ostali podaci (npr. medicinska dokumentacija/ podaci vezani za zdravstveno stanje osobe i sl.)													

* staviti X za odgovarajuću/odgovarajuće stavke

POTPIS ODGOVORNE OSOBE

Prilog 2.		OBRAZAC 2-ZU			
I – EVIDENCIJA O OSOBAMA KOJE SU UPUĆENE RADI PROVEDBE ZAŠTITNE MJERE OBAVEZNOG PSIHO SOCIJALNOG TRETMANA I TOKU I REZULTATIMA PROVEDENOG TRETMANA					
Naziv zdravstvene ustanove				Broj zdravstvene ustanove i datum prijema rješenja:	
Naziv i sjedište suda koji je izrekao mjeru:				Broj i datum rješenja:	
Datum kada je izrečena zaštitna mjera postala pravosnažna:					
Način provođenja zaštitne mjere	grupno*		individualno*		Mjesto provođenja zaštitne mjere
Period trajanja izrečene zaštitne mjere obavezan psihosocijalni tretman:					
Plan provedbe zaštitne mjere	DA*		NE*		
Plan postupanja u kriznim situacijama za zaštitu žrtve nasilja	DA*		NE*		
Mjera izrečena prvi put	DA*		NE*		
Ranija mjera (naziv)					
Predložen prekid mjere, datum i ko predlaže	DA*		NE*		
Predloženo produženje izrečene mjere, datum i ko predlaže	DA*		NE*		
Trajanje produženja mjere					
Predložena zamjena mjere drugom mjerom	DA*		NE*		
Nova mjera, broj i datum novog rješenja					
Kršenje mjere (datum i način)					
Prekid mjere (datum)					
PODACI O TRETMANU					
Izveštaj zdravstvene ustanove o toku i rezultatima provedbe psihosocijalnog tretmana					
Naziv i sjedište zdravstvene ustanove u kojoj se tretman provodi					
Datum početka tretmana:					
Datum završetka tretmana:					
Tretman je prekinut, datum, razlog:					
Tretman je doveo do pozitivnih promjena u ponašanju učinioca					
DA* NE*					
Komentar voditelja tretmana					

PODACI O NASILNOJ OSOBI KOJOJ JE IZREČENA ZAŠTITNA MJERA													
Osoba kojoj je izrečena zaštitna mjera													
Ime				Prezime				Rođeno prezime					
Nadimak				Starost				Spol	m		ž		
Jedinstveni matični broj građana (JMBG)													
Prezime i ime oca i majke, djevojačko prezime majke													
Datum, mjesto, općina i država rođenja													
Državljanstvo													
Boravište	Ulica				Broj		Grad				Država		
Prebivalište	Ulica				Broj		Grad				Država		
Socio-ekonomski status osobe kojoj je izrečena zaštitna mjera													
Bračni status	oženjen/udata		neoženjen/neudata		razveden/a		udovac/ica		vanbračna zajednica				
Radni status	zaposlen/a		nezaposlen/nezaposlena		penzioner/ka		Zanimanje						
Vrsta prihoda	korisnik socijalne pomoći			živi od svog rada			drugi izvori prihoda						
Obrazovanje	dr sci		mr sci		II ciklus Bolonja		I ciklus Bolonja		VSS		VŠŠ		
	SSS		OŠ		NSS		student		učenik		bez škole		
Ostali podaci (npr. medicinska dokumentacija/ podaci vezani za zdravstveno stanje osobe i sl.)													

* staviti X za odgovarajuću/odgovarajuće stavke

POTPIS ODGOVORNE OSOBE
